

Delegat Staša Košarac uputio je pitanja Tužilaštvu BiH, predsjedavajućem Vijeća ministara BiH i rukovodstvu Agencije za prevenciju korupciju i koordinaciju borbe protiv korupcije BiH.

Prvo pitanje, upućeno Tužilaštvu BiH, glasi:

„Tužilaštvo BiH je aktom T20 0 KTA 0001918 11, od 1.11.2011., zatražilo od Državne agencije za istrage i zaštitu da preciznije provjeri navode iz Izvještaja o finansijskoj reviziji Centra za uklanjanje mina – BHMACH za 2010. godinu, što je nadležno Kriminalističko odjeljenje SIPA-e i uradilo i sačinilo Izvještaj o postupanju, broj: 16-2/2-04-1-6548/11, te dostavilo Tužilaštvu BiH, 14.3.2012., na ocjenu i daljnje postupanje.

U kojoj je fazi ovaj predmet u Tužilaštvu BiH?“

Drugo pitanje, upućeno predsjedavajućem Vijeća ministara BiH, glasi:

„U kojoj je fazi provođenje Sporazuma o saradnji između Vijeća ministara BiH i nevladinog sektora u BiH?“

Treće pitanje, upućeno rukovodstvu Agencije za prevenciju korupciju i koordinaciju borbe protiv korupcije BiH, glasi:

„Koje je aktivnosti menadžment Agencije pokrenuo u vezi sa smještajem ove agencije, napominjući da je Komisija za nadzor i izbor Agencije za prevenciju korupcije i koordinaciju borbe protiv korupcije BiH konstatirala da trenutni smještaj (lokacija u tržnom centru) nije adekvatan.“